

Аёл — эркак учун таскин ва либосдир



09:00 / 05.01.2023 4221

Қачонки, сиз ҳақиқий эркак бўлсангиз, шунда аёлингиз сиз учун чинакам аёл бўлади.

Қачонки, сиз чинакам эр киши бўлсангиз, шунда аёлингиз латофатли, иболи аёл бўлади.

Қачонки, сиз подшоҳ бўлсангиз, шунда аёлингиз маликангиз бўлади.

Қачонки, сиз аёлингизга чинакам ошиқ бўлсангиз, шунда у сизнинг маҳбубангиз бўлади.

Ўзингиз ҳеч нарса бўлмай туриб, аёлингизни барча нарса бўлишини истайсизми?!

Ҳой эркак, сенга руҳ пуфланаётганда сен аёлнинг қорнида бўласан. Чақалоқлигингда йиғлаётганигда аёлнинг (онангнинг) бағрида бўласан.

Катта бўлганигда, ҳаёт ташвишларидан сиқилиб йиғлаётганигда аёлнинг (онангнинг ёки аёлингнинг) бағрида бўласан. Аёлингга ошиқ

бўлганингда унинг қалбида бўласан. Ҳомила сифатида пайдо бўлганингдан то дунёга келиб, яшаб, вафот этгунингга қадар онангнинг қалбида бўласан.

Аёл омонатдир. У хўрлаш учун яратилмаган.

Аёл киши эркакнинг ҳимояси остида яшашни хоҳлайди, унинг хўрлаши остида эмас.

Аёл киши уни ҳимоя қила оладиган эркакни яхши кўради.

Аҳмоқ киши аёлидан уни яхши кўришини талаб қилади, ақлли эркак эса аёлига шундай гўзал муомала қиладики, буни кўрган аёли уни сўралмаса ҳам севиб қолади

Аёл — эркак учун таскин ва либосдир.

Унинг аломатларидан (яна бири) – сизлар (нафсни қондириш жиҳатидан) таскин топишингиз учун ўзларингиздан жуфтлар яратгани ва ўртангизда иноқлик ва меҳрибонлик пайдо қилганидир. Албатта, бунда тафаккур қиладиган кишилар учун аломатлар бордир (Рум сураси, 21-оят).

Аллоҳ таоло аёлни эркакнинг таскин топиш манбаи қилиб яратди.

Аллоҳ таоло аёлни эркак каби инсон қилиб яратди.

Аллоҳ таоло эркак-аёл ўртасига меҳр-муҳаббатни солиб қўйди.

Буларнинг бари тафаккур қиладиган ишдир.

Аллоҳ таоло аёлни эркакнинг таскин топиш манбаи қилиб қўйгани, уни эркак каби инсон қилиб яратгани, эркак-аёл ўртасида иноқлик ва меҳрибонлик солиб қўйгани Унинг борлигига, бирлигига далолат қиладиган белгилардан, аломатлардан биридир.

Нозимжон Ҳошимжон таржимаси